

Fylgiseðill: Upplýsingar fyrir notanda lyfsins

Fluconazol Krka 50 mg hörð hylki
Fluconazol Krka 100 mg hörð hylki
Fluconazol Krka 150 mg hörð hylki
Fluconazol Krka 200 mg hörð hylki
fluconazol

Lesið allan fylgiseðilinn vandlega áður en byrjað er að nota lyfið. Í honum eru mikilvægar upplýsingar.

- Geymið fylgiseðilinn. Nauðsynlegt getur verið að lesa hann síðar.
- Leitið til læknisins eða lyfjafræðings ef þörf er á frekari upplýsingum.
- Þessu lyfi hefur verið ávísað til persónulegra nota. Ekki má gefa það öðrum. Það getur valdið þeim skaða, jafnvel þótt um sömu sjúkdómseinkenni sé að ræða.
- Látið lækninn eða lyfjafræðing vita um allar aukaverkanir. Þetta gildir einnig um aukaverkanir sem ekki er minnst á í þessum fylgiseðli. Sjá kafla 4.

Í fylgiseðlinum eru eftirfarandi kaflar:

1. Upplýsingar um Fluconazol Krka og við hverju það er notað
2. Áður en byrjað er að nota Fluconazol Krka
3. Hvernig nota á Fluconazol Krka
4. Hugsanlegar aukaverkanir
5. Hvernig geyma á Fluconazol Krka
6. Pakkningar og aðrar upplýsingar

1. Upplýsingar um Fluconazol Krka og við hverju það er notað

Fluconazol Krka tilheyrir flokki lyfja sem kallast „sveppalyf“. Virka efnið er fluconazol.

Fluconazol Krka er notað til að meðhöndla sýkingar af völdum sveppa og einnig er hægt að nota það til að koma í veg fyrir að þú fái candidasýkingu. Gersveppurinn *Candida* er algengasta orsök sveppasýkinga.

Fullorðnir

Læknirinn gæti hafa ávísað þessu lyfi til að meðhöndla eftirfarandi sveppasýkingar:

- Heilahimnubólgu af völdum sætumyglu (cryptococcal meningitis) – sveppasýking í heila.
- Þekjumyglu (coccidiomycosis) – sjúkdómur í lungum.
- Sýkingar af völdum *Candida* sem finnast í blóði, líffærum (t.d. hjarta, lungum) eða þvagrás.
- Sveppasýkingu í slímhúðum – sýking í slímhúðinni sem þekur munninn og kokið að innan og sár/eymsli eftir gervitennur.
- Sveppasýkingu í leggöngum eða á getnaðarlim.
- Sveppasýkingu í húð – t.d. fótisvepp (athlete's foot), búksvepp (ringworm), klofsvepp (jock itch), naglsvepp.

Þú gætir einnig hafa fengið Fluconazol Krka til að:

- koma í veg fyrir að heilahimnubólga af völdum sætumyglu taki sig upp aftur.
- koma í veg fyrir að sveppasýking í slímhúðum taki sig upp aftur.
- minnka líkur á endurkomu sveppasýkingar í leggöngum.
- koma í veg fyrir að þú fái sýkingu af völdum *Candida* (ef ónæmiskerfið þitt er veiklað og starfar ekki eðlilega).

Börn og unglingar (0 til 17 ára)

Læknirinn gæti hafa ávísað þessu lyfi til að meðhöndla eftirfarandi sveppasýkingar:

- Sveppasýking í slímhúðum – sýking í slímhúðinni sem þekur munninn og kokið að innan.
- Sýkingar af völdum *Candida* sem finnast í blóði, líffærum (t.d. hjarta, lungum) eða þvagrás.
- Heilahimnubólgu af völdum sætumyglu (cryptococcal meningitis) – sveppasýking í heila.

Þú gætir einnig hafa fengið Fluconazol Krka til að:

- koma í veg fyrir að þú fái sýkingu af völdum *Candida* (ef ónæmiskerfið þitt er veiklað og starfar ekki eðlilega).
- koma í veg fyrir að heilahimnubólga af völdum sætumyglu taki sig upp aftur.

2. Áður en byrjað er að nota Fluconazol Krka

Verið getur að lækningin hafi ávísað lyfinu við öðrum sjúkdómi eða í öðrum skömmtum en tiltekið er í þessum fylgiseðli. Ávallt skal fylgja fyrirmælum læknisins og leiðbeiningum á merkimiða frá lyfjabúð.

Ekki má nota Fluconazol Krka

- ef þú ert með ofnæmi fyrir fluconazoli, öðrum lyfjum sem þú hefur tekið við sveppasýkingum eða einhverju öðru innihaldsefni lyfsins (talin upp í kafla 6). Einkenni gætu m.a. verið kláði, roði í húð eða öndunarferfiðleikar.
- ef þú notar astemizol eða terfinadin (andhistamínlyf við ofnæmi).
- ef þú notar cisaprid (lyf við óþægindum í maga).
- ef þú notar pimozid (lyf við geðsjúkdómum).
- ef þú notar quinidin (lyf við óreglulegum hjartslætti).
- ef þú notar erythromycin (sýklalyf).

Varnaðarorð og varúðarreglur

Leitið ráða hjá lækningunni eða lyfjafræðingi áður en Fluconazol Krka er notað ef þú:

- ert með lifrar- eða nýrnakvilla.
- ert með hjartasjúkdóm, þar með talið hjartsláttartruflanir.
- hefur óeðlileg gildi kalíums, kalsíums eða magnesíums í blóði.
- færð alvarleg húðviðbrögð (kláða, roða í húð eða öndunarferfiðleika).
- færð teikn um „skerta starfsemi nýrnahettna“, þegar nýrnahetturnar framleiða ekki nægilegt magn af ákveðnum sterahormónum eins og kortisóli (þrálát eða langvarandi þreyta, vöðvaslappleiki, minnkuð matarlyst, þyngdartap, kviðverkur).
- hefur einhvern tímann fengið alvarleg húðútbrot eða húðflögnun, blöðrur og/eða sár í munni við notkun Fluconazol Krka.

Tilkynnt hefur verið um alvarleg húðviðbrögð, þar með talin lyfjaviðbrögð með fjölgun rauðkyrninga og altækum einkennum (DRESS) í tengslum við meðferð með Fluconazol Krka. Þú skalt hætta notkun lyfsins strax og leita lækni aðstoðar ef þú tekur eftir einhverjum þeim einkennum sem tengjast þessum alvarlegu húðviðbrögðum sem er lýst í kafla 4.

Ræðið við lækningu eða lyfjafræðing ef sveppasýkingin batnar ekki vegna þess að nauðsynlegt getur verið að nota önnur sveppalyf.

Notkun annarra lyfja samhliða Fluconazol Krka

Látið lækningu eða lyfjafræðing vita um öll önnur lyf sem eru notuð, hafa nýlega verið notuð eða kynnu að verða notuð.

Láttu lækningu **strax** vita ef þú notar astemizol, terfenadin (andhistamínlyf við ofnæmi), cisaprid (lyf við óþægindum í maga), pimozid (lyf við geðsjúkdómum), quinidin (lyf við hjartsláttartruflunum) eða erythromycin (sýklalyf), þar sem ekki má nota þessi lyf ásamt Fluconazol Krka (sjá kaflann „Ekki má nota Fluconazol Krka“).

Sum lyf geta haft áhrif á verkun Fluconazol Krka. Gættu þess að lækningin viti af því ef þú notar eitthvert eftirtalinna lyfja, þar sem nauðsynlegt getur verið að breyta skömmtum eða fylgjast með þér til að ganga úr skugga um að lyfin hafi enn tilætluð áhrif:

- rifampicin eða rifabutin (sýklalyf)
- abrocitinib (við ofnæmishúðbólgu, sem einnig er þekkt sem ofnæmisexem)
- alfentanil, fentanyl (við verkjum)
- amitriptylin, nortriptylin (þunglyndislyf)

- amphotericin B, voriconazol (sveppalyf)
- lyf sem þynna blóðið til að fyrirbyggja blóðtappa (warfarin og svipuð lyf)
- benzodíazepín (midazolam, triazolam eða svipuð lyf), lyf sem hjálpa til við svefn og kvíða
- carbamazepin, phenytoin (flogaveikilyf)
- nifedipin, isradipin, amlodipin, verapamil, felodipin og losartan (við háþrýstingi - háum blóðþrýstingi)
- olaparib (meðferð við krabbameini í eggjastokkum)
- ciclosporin, everolimus, sirolimus eða tacrolimus (til að koma í veg fyrir höfnun ígrædds líffæris)
- cyclophosphamid, vinca alkalóíðar (vincristin, vinblastin og svipuð lyf) sem eru notuð við krabbameini
- halofantrin (malaríulyf)
- statín (atorvastatin, simvastatin og fluvastin og svipuð lyf) til að lækka of há gildi kólesteróls í blóði
- methadon (verkjalyf)
- celecoxib, flurbiprofen, naproxen, ibuprofen, lornoxicam, meloxicam, diclofenac (bólguþandi lyf sem ekki eru sterar (NSAID lyf))
- getnaðarvarnalyf til inntöku
- prednison (steralyf)
- zidovudin, einnig þekkt sem AZT; saquinavir (notað hjá einstaklingum með HIV-sýkingu)
- lyf við sykursýki eins og chlorpropamid, glibenclamid, glipizid eða tolbutamid
- theophyllin (astmalyf)
- tofacitinib (við liðagigt)
- tolvaptan, notað til meðferðar við blóðnatríumlækkun (lítill þéttni natríums í blóði) eða til að hægja á versnun nýrnastarfsemi
- A-vítamín (fæðubótarefni)
- ivacaftor (eitt sér eða ásamt öðrum lyfjum til að meðhöndla slímseigjusjúkdóm (cystic fibrosis))
- amiodaron (til meðferðar á óreglulegum hjartslætti, „hjartsláttartruflunum“)
- hydrochlorothiazid (þvagræsilyf)
- ibrutinib (meðferð við krabbameini í blóði)
- lurasidon (til meðferðar við geðklofa)

Notkun Fluconazol Krka með mat eða drykk

Lyfið má taka með eða án matar.

Meðganga, brjóstagiöf og frjósemi

Við meðgöngu, brjóstagiöf, grun um þungun eða ef þungun er fyrirhuguð skal leita ráða hjá læknum eða lyfjafræðingi áður en lyfið er notað.

Ef þú ráðgerir að verða þunguð er mælt með því að bíða í eina viku eftir stakan skammt af fluconazoli áður en þú verður þunguð.

Í lengri meðferðarlotum með fluconazoli skaltu ráðfæra þig við lækinn um þörfina á viðeigandi getnaðarvörn meðan á meðferð stendur, sem á að halda áfram í eina viku eftir síðasta skammt. Þú átt ekki að nota Fluconazol Krka ef þú ert þunguð, grunar að þú sért þunguð, ef þungun er fyrirhuguð nema lækinn mæli svo fyrir. Ef þú verður þunguð meðan þú tekur lyfið eða innan 1 viku eftir að þú tókst síðasta skammt skaltu hafa samband við lækinn.

Fluconazol sem er tekið á fyrsta eða öðrum þriðjungi meðgöngu getur aukið hættuna á fósturláti.

Fluconazol sem er tekið á fyrsta þriðjungi meðgöngu getur aukið hættuna á því að barnið fæðist með fæðingargalla í hjarta, beinum og/eða vöðvum.

Tilkynnt hefur verið um börn sem fæddust með fæðingargalla á höfuðkúpu, eyrum og beinum í læri og olnboga hjá konum sem fengu meðferð í þrjá mánuði eða lengur með stórum skömmtum (400-800 mg á dag) af fluconazoli við þekjumyglu (coccidioidomycosis). Tengslin milli fluconazols og þessara tilvika eru óljós.

Þú mátt halda brjóstagiöf áfram eftir að hafa tekið einn stakan 150 mg skammt af Fluconazol Krka.

Þú átt ekki að hafa barn á brjósti ef þú notar endurtekna skammta af Fluconazol Krka.

Akstur og notkun véla

Við akstur og notkun véla verður að hafa í huga að einstaka sinnum getur lyfið valdið sundli eða krömpum.

Hver og einn verður að leggja mat á getu sína til aksturs og starfa sem krefjast óskertrar árvekni. Eitt af því sem getur haft áhrif á slíkt er lyf, vegna verkunar sinnar eða aukaverkana. Lýsing á verkun og aukaverkunum er í öðrum köflum fylgiseðilsins. Lesið því allan fylgiseðilinn. Ef þörf er á skal ræða þetta við lækni eða lyfjafræðing.

Fluconazol Krka 50 mg, 100 mg og 150 mg hörð hylki innihalda mjólkursykur (laktósa) og natríum

Hylkin innihalda laktósa. Ef óþol fyrir sykrum hefur verið staðfest skal hafa samband við lækni áður en lyfið er tekið inn.

Lyfið inniheldur minna en 1 mmól (23 mg) af natríum í hverju hylki, þ.e.a.s. er sem næst natríumlaust.

Fluconazol Krka 200 mg hörð hylki innihalda mjólkursykur (laktósa), natríum og asórúbín

Hylkin innihalda laktósa. Ef óþol fyrir sykrum hefur verið staðfest skal hafa samband við lækni áður en lyfið er tekið inn.

Lyfið inniheldur minna en 1 mmól (23 mg) af natríum í hverju hylki, þ.e.a.s. er sem næst natríumlaust.

Fluconazol Krka 200 mg hylki innihalda einnig asórúbín (E122), sem getur valdið ofnæmisviðbrögðum.

3. Hvernig nota á Fluconazol Krka

Notið lyfið alltaf eins og læknirinn eða lyfjafræðingur hefur sagt til um. Ef ekki er ljóst hvernig nota á lyfið leitaðu þá upplýsinga hjá læknum eða lyfjafræðingi.

Gleypið hylkið heilt með glasi af vatni. Best er að taka lyfið á sama tíma á hverjum degi.

Ráðlagðir skammtar til að meðhöndla mismunandi sýkingar eru sýndir hér á eftir:

Fullorðnir

Sýking	Skammtur
Heilahimnubólga af völdum sætumyglu (cryptococcus meningitis)	400 mg á fyrsta degi, síðan 200 mg til 400 mg einu sinni á dag í 6 til 8 vikur eða lengur ef þörf krefur. Stundum eru skammtar auknir í allt að 800 mg
Til að koma í veg fyrir endurkomu heilahimnubólgu af völdum sætumyglu	200 mg einu sinni á dag þar til þér er sagt að hætta
Þekjumygla	200 mg til 400 mg einu sinni á dag í 11 mánuði til allt að 24 mánuði eða lengur ef þörf krefur. Stundum eru skammtar auknir í allt að 800 mg
Innri sveppasýkingar af völdum <i>Candida</i>	800 mg á fyrsta degi, síðan 400 mg einu sinni á dag þar til þér er sagt að hætta
Sýking í slímhúðinni sem þekur munninn og kokið að innan og sár/eymsli eftir gervitennur	200 mg til 400 mg á fyrsta degi, síðan 100 mg til 200 mg einu sinni á dag þar til þér er sagt að hætta
Sveppasýking í slímhúð – skammtur fer eftir staðsetningu sýkingar	50 mg til 400 mg einu sinni á dag í 7 til 30 daga þar til þér er sagt að hætta
Til að koma í veg fyrir endurkomu sýkingar í slímhúðinni sem þekur munninn og kokið að innan	100 mg til 200 mg einu sinni á dag, eða 200 mg þrisvar í viku á meðan þú ert í hættu á að fá sýkingu
Sveppasýking á kynfærum	150 mg stakur skammtur
Til að draga úr endurkomu sveppasýkinga í leggöngum	150 mg þriðja hvern dag, samtals þrjú skammtar (1., 4. og 7. dagur) og síðan einu sinni í viku í

	6 mánuði á meðan þú ert í hættu á að fá sýkingu
Sveppasýkingar í húð og nöglum	Fer eftir sýkingarstað; 50 mg einu sinni á dag, 150 mg einu sinni í viku, 300 mg til 400 mg einu sinni í viku í 1 til 4 vikur (meðhöndlun fótssvepps getur tekið allt að 6 vikur, meðhöndlun sýkingar í nöglum þarf að halda áfram þar til ný nögl hefur vaxið fram)
Til að koma í veg fyrir sýkingu af völdum <i>Candida</i> (ef ónæmiskerfi þitt er veiklað og starfar ekki eðlilega)	200 mg til 400 mg einu sinni á dag á meðan þú ert í hættu á að fá sýkingu

Unglingar frá 12 til 17 ára

Fylgið notkunarfyrirmælum læknis (skammtur annaðhvort eins og fyrir fullorðna eða eins og fyrir börn).

Börn að 11 ára aldri

Hámarksskammtur fyrir börn er 400 mg á dag.

Skammturinn miðast við þyngd barnsins í kílógrömmum.

Sýking	Dagskammtur
Sveppasýking í slímhúð og koki af völdum <i>Candida</i> – skammtur og meðferðarlengd fer eftir alvarleika og staðsetningu sýkingar	3 mg fyrir hvert kg líkamsþyngdar einu sinni á dag (gefa má 6 mg fyrir hvert kg líkamsþyngdar á fyrsta degi)
Heilahimnubólga af völdum sætumyglu (<i>Cryptococcus</i>) eða innri sveppasýkingar af völdum <i>Candida</i>	6 mg til 12 mg fyrir hvert kg líkamsþyngdar einu sinni á dag
Til að koma í veg fyrir endurkomu heilahimnubólgu af völdum sætumyglu (<i>cryptococcal meningitis</i>)	6 mg fyrir hvert kg líkamsþyngdar einu sinni á dag
Til að koma í veg fyrir sýkingar af völdum <i>Candida</i> hjá börnum (ef ónæmiskerfi þeirra er veiklað og starfar ekki eðlilega)	3 mg til 12 mg fyrir hvert kg líkamsþyngdar einu sinni á dag

Notkun hjá börnum 0 til 4 vikna

Notkun hjá börnum á aldrinum 3 til 4 vikna:

Sami skammtur og sýndur er hér að framan, en gefinn annan hvern dag. Hámarksskammtur er 12 mg á hvert kg líkamsþyngdar á hverjum 48 klst.

Notkun hjá börnum yngri en 2 vikna:

Sami skammtur og sýndur er hér að framan, en gefinn þriðja hvern dag. Hámarksskammtur er 12 mg á hvert kg líkamsþyngdar á hverjum 72 klst.

Aldraðir

Gefa á venjulegan skammt fyrir fullorðna nema um nýrnavandamál sé að ræða.

Sjúklingar með nýrnavandamál

Læknirinn gæti breytt skammtinum með tilliti til nýrnastarfsemi þinnar.

Ef tekin er stærri skammtur af Fluconazol Krka en mælt er fyrir um

Ef of stór skammtur af lyfinu hefur verið tekinn, eða ef barn hefur í ógáti tekið inn lyfið skal hafa samband við lækni, sjúkrahús eða eitrunarmiðstöð (sími 543 2222).

Ef of mörg hylki eru tekin í einu getur það valdið vanlíðan. Hafðu strax samband við lækni eða bráðamóttöku. Einkenni hugsanlegrar ofskömmtunar geta verið að sjá, heyra eða skynja eitthvað sem ekki er raunverulegt og ranghugmyndir (ofskynjanir og ofsóknarkennd hegðun). Nægilegt getur verið

að veita meðferð með tilliti til einkenna (stuðningsmeðferð og magaskolon ef þörf krefur).

Ef gleymist að taka Fluconazol Krka

Ekki á að tvöfalda skammt til að bæta upp skammt sem gleymst hefur að taka. Ef þú gleymir að taka skammt skaltu taka hann um leið og það uppgötvast nema komið sé að næsta skammti, þá skaltu sleppa skammtinum sem gleymdist.

Leitið til læknisins eða lyfjafræðings ef þörf er á frekari upplýsingum um notkun lyfsins.

4. Hugsanlegar aukaverkanir

Eins og við á um öll lyf getur þetta lyf valdið aukaverkunum en það gerist þó ekki hjá öllum.

Þú skalt hætta notkun Fluconazol Krka tafarlaust og leita læknisaðstoðar ef þú tekur eftir einhverjum af eftirtöldum einkennum:

- Útbreidd útbrot, hár líkamshiti og stækkaðir eitlar (DRESS heilkenni eða heilkenni lyfjaofnæmis).

Fáeinir einstaklingar fá **ofnæmisviðbrögð** en alvarleg ofnæmisviðbrögð eru þó sjaldgæf. Látið lækninn eða lyfjafræðing vita um allar aukaverkanir. Þetta gildir einnig um aukaverkanir sem ekki er minnst á í þessum fylgiseðli. **Láttu lækninn strax vita** ef þú færð eitthvert eftirtalinna einkenna.

- skyndilegt hvæsandi öndunarhljóð, öndunarerfiðleika eða þyngsli fyrir brjósti
- bólgu á augnlokum, í andliti eða á vörum
- kláða um allan líkamann, roða í húð eða rauða flekki með kláða
- húðútbrot
- alvarleg húðviðbrögð, eins og útbrot sem valda blöðrum (geta komið fyrir í munni og á tungu).

Fluconazol Krka getur haft áhrif á lifur. Einkenni lifrarávandamála eru:

- þreyta
- lystarleysi
- uppköst
- gulur litur á húð eða í hvítu augna (gula)

Ef eitthvert þessara einkenna kemur fram, hættu að nota Fluconazol Krka og **hafðu strax samband við lækninn**.

Aðrar aukaverkanir

Látið lækninn eða lyfjafræðing einnig vita ef vart verður við aukaverkanir sem ekki er minnst á í þessum fylgiseðli eða ef aukaverkanir sem taldar eru upp hér á eftir reynast alvarlegar.

Algengar: geta komið fyrir hjá allt að 1 af hverjum 10 einstaklingum

- höfuðverkur
- óþægindi í maga, niðurgangur, ógleði, uppköst
- hækkuð gildi á lifrarprófum
- útbrot

Sjaldgæfar: geta komið fyrir hjá allt að 1 af hverjum 100 einstaklingum

- fækkun á rauðum blóðfrumum, sem veldur fólum húðlit, máttleysi eða mæði
- minnkuð matarlyst
- svefnleysi, syfja
- krampar, sundl, svimi, stingandi tilfinning, náladofi eða doði, breyting á bragðskyni
- hægðatregða, meltingartruflanir, vindgangur, munnþurrkur
- vöðvaverkir
- lifrarskemmd og gulur litur á húð og augum (gula)

- rauðkláðapot (wheals), blöðrumyndun (ofsakláði), kláði, aukin svitamyndun
- þreyta, almenn vanlíðan, hiti

Mjög sjaldgæfar: geta komið fyrir hjá allt að 1 af hverjum 1.000 einstaklingum

- fækkun á hvítum blóðfrumum sem hjálpa til við að verjast sýkingum, og blóðfrumum sem hjálpa til við að stöðva blæðingu
- rauður eða fjólublár húðlitur, sem getur verið vegna þess að blóðflögur eru of fáar, eða vegna annarra breytinga á blóðfrumum
- breytingar á niðurstöðum efnamælinga í blóði (há blóðgildi kólesteróls og fituefna)
- lágt kalíumgildi í blóði
- skjálfti
- óeðlilegt hjartalínurit, breyting á hjartsláttartíðni eða takti
- lifrabilun
- ofnæmisviðbrögð (stundum alvarleg), þ.m.t. útbreidd blöðruútbrot og húðflögnun, alvarleg húðviðbrögð, þroti í vörum eða andliti
- hárlós

Tíðni ekki þekkt, en getur komið fyrir (ekki hægt að áætla tíðni út frá fyrirbyggjandi gögnum)

- ofnæmisviðbrögð ásamt húðútbrotum, hiti, bólgnir kirtlar, fjölgun ákveðinnar gerðar af hvítum blóðfrumum (fjölgun rauðkyrninga), bólga í innri líffærum (lifur, lungum, hjarta, nýrum og ristli) (viðbrögð eða útbrot af völdum lyfja ásamt fjölgun rauðkyrninga og altækum einkennum (DRESS)).

Tilkynning aukaverkana

Látið lækinn eða lyfjafræðing vita um allar aukaverkanir. Þetta gildir einnig um aukaverkanir sem ekki er minnst á í þessum fylgiseðli. Einnig er hægt að tilkynna aukaverkanir beint til Lyfjastofnunar, www.lyfjastofnun.is. Með því að tilkynna aukaverkanir er hægt að hjálpa til við að auka upplýsingar um öryggi lyfsins.

5. Hvernig geyma á Fluconazol Krka

Geymið lyfið þar sem börn hvorki ná til né sjá.

Engin sérstök fyrirmæli eru um geymsluaðstæður lyfsins.

Ekki skal nota lyfið eftir fyrningardagsetningu sem tilgreind er á umbúðum. Fyrningardagsetning er síðasti dagur mánaðarins sem þar kemur fram.

Ekki má skola lyfjum niður í frárennislagnir eða fleygja þeim með heimilissorpi. Leitið ráða í apóteki um hvernig heppilegast er að farga lyfjum sem hætt er að nota. Markmiðið er að vernda umhverfið.

6. Pakkningar og aðrar upplýsingar

Fluconazol Krka inniheldur

- Virka innihaldsefnið er fluconazol: 50 mg, 100 mg, 150 mg eða 200 mg.
- Önnur innihaldsefni eru laktósaeinhýdrat, natríumlárylsúlfat, magnesíumsterat, vatnsfrí kísilkvoða og maíssterkja.
- Hylkisskel Fluconazol Krka 50 mg, 100 mg og 150 mg inniheldur: patent blátt V (E131), títantvíoxíð (E171) og gelatín. Sjá kafla 2 „Fluconazol Krka 50 mg, 100 mg og 150 mg hörð hylki innihalda mjólkursykur (laktósa) og natríum“.
- Hylkisskel Fluconazol Krka 200 mg inniheldur: títantvíoxíð (E171), asórúbín (E122), indigótín (E132) og gelatín. Sjá kafla 2 „Fluconazol Krka 200 mg hörð hylki innihalda mjólkursykur (laktósa), natríum og asórúbín“.

Lýsing á útliti Fluconazol Krka og pakkningastærðir

50 mg: blátt/hvít hylki

100 mg: blátt/hvít hylki

150 mg: blátt/blátt hylki

200 mg: fjólublátt/hvít hylki

Þynna

50 mg: 100x1, 7, 10, 20, 28, 50 og 98 hylki

100 mg: 100x1, 7, 10, 20, 28, 50, 60 hylki

150 mg: 2, 4, 6, 12 hylki

200 mg: 100x1, 7, 10, 20, 28, 30, 50 hylki

Ekki er víst að allar pakkningastærðir séu markaðssettar.

Markaðsleyfishafi og framleiðandi

KRKA, d.d., Novo mesto

Šmarješka cesta 6

8501 Novo mesto

Slóvenía

Vinsamlega hafið samband við fulltrúa markaðsleyfishafa ef óskað er frekari upplýsinga um lyfið

LYFIS ehf.

Sími: 534 3500

Netfang: lyfis@lyfis.is

Þessi fylgiseðill var síðast uppfærður í september 2025.

Ítarlegar upplýsingar um lyfið eru birtar á vef Lyfjastofnunar, www.serlyfjaskra.is.